

UJIAN SEBAGAI PENGHAPUS DOSA



AH

DR AZURA HASHIM

PENGENALAN

Dugaan, ujian, musibah dan apa jua perkataan seerti, kebanyakan kita menyamakan dengan kesusahan. Ada di kalangan kita yang Allah izinkan hidupnya lancar dan jarang mempunyai masalah. Ada pula yang sering diuji dengan pelbagai masalah untuk diharungi. Belum habis satu ujian, muncul pula musibah lain.

Hakikat sebenarnya, semua orang Allah berikan ujian. Tinggal bagaimana cara kita hadapi sama ada tenang ataupun dengan keluhan. Allah menjadikan manusia dua hal yang membawa kembali kepadaNya iaitu dengan ujian dan hajat. Memang kehidupan manusia dihiasi dengan ujian sebagai asam garam didalamnya.


Rasulullah S.A.W bersabda:

“Tidak akan menimpa muslim sakit, keletihan, kebimbangan, gangguan, kesedihan dan duka hingga duri yang mengenai dirinya. kecuali Allah s.w.t akan menghapuskan dosa-dosanya”

Secara realitinya sukar sebagai manusia biasa mencari kesabaran dalam menghadapi ujian. Andai berasa lelah dengan ujian dunia, ingatlah ianya hanya pentas kehidupan yang tidak kekal. Lima ujian kesusahan yang diberikan oleh Allah S.W.T untuk menghapuskan dosa-dosa yang dilakukan oleh manusia.



KELETIHAN





Keletihan

Rasa keletihan sering dialami pada seseorang yang melakukan kerja tanpa rehat. Acapkali bila keletihan, mulut kita akan merungut, hati mengeluh dan rasa putus asa timbul kerana dia tidak paham mengapa dia perlu bekerja. Bekerja kepada Allah, bekerja untuk keluarga dan bekerja untuk diri sendiri.

Dalam pandangan Islam, kerja adalah sebuah kehormatan. Sekecil apapun peranan dalam sebuah pekerjaan, bila dilakukan dengan bersungguh-sungguh dan ikhlas akan memberi nilai kepada diri sendiri. Setiap keringat yang dikeluarkan akan dinilai sebagai ibadah kepada Allah S.W.T

Bidang pekerjaan ini luas. Sesuatu pekerjaan tidak hanya dilihat pada yang bekerja makan gaji atau bekerja sendiri hatta seorang suri rumah dan sukarelawan juga dianggap sebagai satu pekerjaan. Oleh itu, jangan cepat merasa lelah dengan tugas yang kalian lakukan. Pandang pada kebaikan yang diam-diam Allah hantar kepada kalian sebagai penghapus dosa-dosa lalu.

Andai terasa letih, ingatlah Allah sentiasa ada bersama kita. Maafkan kami Ya Allah. Allah mencipta dunia untuk kita berpenat lelah, di Syurga nanti tempat rehatnya. Setiap apa yang dijadikan Allah ada ibrahnya.



KESAKITAN





Kesakitan

Rasa kesakitan datang dalam pelbagai bentuk dan tidak diduga. Kalau dalam tempoh seminggu, 6 hari kita sihat, Alhamdulillah. Dan 1 hari Allah uji dengan penyakit, tetap juga harus juga ucap syukur. Itu adalah bukti kasih sayang Allah kepada kita. Antara ramai-ramai hambaNya, Allah memilih kita pada hari tersebut untuk diberi ujian sebagai pembuka jalan bagi menghapuskan dosa-dosa yang lalu.



Allah S.W.T mengutus 4 malaikat untuk selalu menjaga kita dalam sakit :

Malaikat pertama untuk mengambil kekuatan kamu sehingga menjadi lemah.

Malaikat kedua untuk mengambil rasa lazatnya makanan dari mulut kamu.

Malaikat ketiga untuk mengambil cahaya terang di wajah kamu sehingga berubahlah wajah menjadi pucat lesi.

Malaikat keempat untuk mengambil semua dosa kamu, maka berubahlah kamu menjadi suci dari dosa.



Kemudian Allah memberi kesembuhan kepada hambaNya dan memerintahkan kepada Malaikat 1, 2 dan 3 untuk mengembalikan semula kekuatan, rasa lezat dan cahaya di wajah hambaNya. Namun untuk malaikat ke-4, Allah tidak memerintahkan untuk mengembalikan dosa-dosanya kepada hamba mukmin.

Maka bersujudlah para malaikat itu kepada Allah seraya berkata : *“Ya Allah mengapa dosa-dosa ini tidak Engkau kembalikan?”*

Allah menjawab: *“Tidak baik bagi kemuliaanKu jika Aku mengembalikan dosa-dosanya setelah Aku menyulitkan keadaan dirinya ketika sakit. Pergilah dan buanglah dosa-dosa tersebut ke dalam laut.”*

Nabi S.A.W bersabda yang bermaksud:

*“Setiap muslim yang terkena musibah penyakit atau yang lain, pasti akan hapuskan kesalahannya, sebagaimana pohon menggugurkan daun-daunnya”
(HR. Al-Bukhari & Muslim)*

Oleh itu, berusaha menjadi orang yang sabar ketika diuji penyakit. Jangan berhenti mengharap pertolongan Allah S.W.T. Dalam waktu yang sama ada juga usaha dari pihak kita untuk mencari jalan kesembuhan.



KEBIMBANGAN





Kebimbangan

Rasa kebimbangan, kawatir dan was-was adalah muslihat syaitan untuk memperdayakan manusia supaya timbul keraguan dalam hati akan kekuasaan Allah S.W.T, jalan takdir yang telah ditetapkan oleh Dia sebelum kita lahir lagi.

Allahumma Ya Baari, yang Maha Mengatur tiap satu perkara yang berlaku pada makhluk dan alam semesta.

Allahumma Ya 'Alim, yang Maha Mengetahui rahsia masa kejayaan, kejatuhan, musibah dan kecelakaan yang berlaku.

Di dalam Musnad Imam Ahmad, terdapat sebuah hadits yang disahihkan oleh Ibnu Hibban, dari Abdullah bin Mas'ud r.a bahawa Nabi S.A.W bersabda yang bermaksud:

Tidaklah seorang hamba ketika mengalami kegundahan atau kesedihan mengucapkan, "Ya Allah, sesungguhnya aku adalah hambaMu, anak dari hambaMu yang laki-laki dan anak dari hambaMu yang perempuan. Ubun-

ubungkan ada di tanganMu. KetetapanMu telah berlalu padaku, ketentuanMu sudah adil pada diriku.

Aku memohon kepadaMu dengan seluruh nama yang Engkau namakan untuk diriMu, atau Engkau turunkan di dalam kitabMu, atau Engkau ajarkan kepada salah seorang dari makhlukMu, atau Engkau simpan dalam ilmu ghaib di sisiMu.

Jadikanlah Al-Quran sebagai penyejuk hatiku, cahaya di dadaku, pelenyap kesedihanku dan penghilang kegundahanku, melainkan Allah 'Azza wa Jalla pasti menghilangkan kegundahan hatinya dan menggantikan kesedihannya dengan kesenangan.

Para sahabat berkata, *“Wahai Rasulullah, sudah seharusnya kami mempelajari kalimat-kalimat (doa) ini.”* Rasulullah menjawab, *“Tentu, sudah seharusnya bagi orang yang mendengarnya untuk mempelajarinya.”*

Sebagai makhluk yang berakal, ikhtiar untuk

keluar dari rasa kebimbangan ini adalah dengan berdoa dan bertawakal. Keputusannya, serahkan kepada Allah S.W.T. Dengan begitu, hati akan lebih tenang dan bahagia. Jika rasa ragu-ragu ucapkanlah Lailahailallah, kerana ragu-ragu, was-was dan syak wasangka itu adalah daripada syaitan. Ucapkanlah kalimah ini sebagaimana Rasulullah SAW ajarkan.

GANGGUAN





Gangguan

Kadangkala, kita yakin bahawa diri cukup kuat untuk bertahan jika ada badai mendatang. Namun tersembam juga apabila diuji. Dihadirkan dengan gangguan dan kekacauan dari sekeliling. Contohnya gangguan dari masalah tempat kerja, anak jadi nakal, hutang, masalah pada pasangan atau pada diri sendiri.

Selain gangguan yang boleh nampak secara fizikal, ada juga bentuk gangguan yang kadang berlaku tanpa sedar. Masa kita nak melakukan sesuatu perkara yang baik, tiba-tiba datang bisikan syaitan untuk menangguhkan dahulu niat baik tersebut. Dan ada kemungkinan juga untuk membuatkan kita terus terlupa. Syaitan adalah musuh manusia yang tidak pernah tidur. Mujahadah yang kuat untuk melawan hasutan syaitan. Jadi, ketika sudah berniat untuk melakukan perkara baik, segera lakukan perkara tersebut dan mohon pertolongan Allah supaya memudahkan urusan untuk kita menyampaikan kebaikan. Bila boleh yakin dan bersabar, dosa-dosa akan gugur. In Shaa Allah.

KESEDIHAN





Kesedihan

Mustahil hidup sentiasa gembira, bahagia dan selaluberjaya. Sekali-sekala Allah uji dengan kesedihan, kekecewaan dan kekalahan supaya kita ingat Allah. Terus dengan ucapan syukur. Tolong jangan memandang ringan dan serong terhadap mereka yang sedang diuji dengan kesedihan. Allah menguji hamba-hambanya sesuai dengan kemampuan mereka untuk menghadapinya. Allah lebih tahu.

Masa sedang bersedih itulah tempoh terbaik untuk kita mengadu, berbicara dan memohon keampunan Allah atas dosa-dosa yang kerap kali dilakukan. Kerana pada waktu tersebut kita lebih ikhlas dan boleh berlaku jujur dengan Allah S.W.T.

Rebut peluang memohon keampunan Allah setiap masa lagi-lagi ketika sedang diuji kerana jika bijak menanganinya dengan kesabaran, insha Allah dosa-dosa kita akan diampuni. Sabar menanti pelangi selepas hujan. Kenikmatan yang lebih indah, cantik dan dimiliki oleh orang yang terpilih supaya dia dapat sebarkan lebih banyak kebaikan kepada orang yang ramai.


SKEPTIKAL MELALUI TULISAN TANGAN



Skeptikal Melalui Analisa Tulisan Tangan

Rasa ragu-ragu dengan diri terjadi dari pelbagai punca. Selalunya ianya muncul kerana terlalu banyak berfikir. Mungkin kerana tidak yakin dengan diri. Mungkin juga suka membandingkan kemampuan diri dengan orang lain dan takut gagal. Jom semak bagaimana mengenalpasti banyak skeptikal dalam diri.

Contoh tulisan di bawah adalah tulisan dengan *baseline* yang menurun.



Tukar persepsi dengan menanam dalam diri yang kita boleh berjaya. Hentikan suara-suara negatif yang menghalang dari kalian terus maju. Skeptikal adalah pandangan individu, satu proses untuk mencapai sebuah konklusi.

Marilah kita kembali kepada Allah, bersangka baik padaNya, kembali berzikir kepadanya. Rasulullah bersabda, “Allah berfirman, Aku mengikut sangkaan hamba-Ku kepada Ku. (Riwayat Bukhari). Bersangka baik dengan takdir dan ujian yang Allah. Siapa tahu di setiap kepahitan akan hadir di hujungnya satu kemanisan.

Habusnallah wa ni'mal wakil – cukuplah Allah buat kami bahkan dialah sebaik-baik pelindung.

Wallahua'alam

Lahaulawala quwwata illa billah

Salam Sayang,

Dr Azura Hashim